



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77, Հեռ.010512953, էլ. փոստ patrol-service@police.am

N 91/3686

< 15 > 08 2022թ.

Վահան Անդրանիկի Տոնյանին
Հասցե՝ ք. Արմավյան Էլարի փող. 69 տուն

Ուղարկում եմ ՀՀ ոստիկանության պարեկային ծառայության իրավաբանական բաժանմունքում վարչական մարմնի նախաձեռնությամբ հարուցված վարչական բողոքարկման վարույթի արդյունքում կայացված <<Թիվ 8180025788 որոշումն անվավեր ճանաչելու մասին>> որոշման օրինակը:

Առդիր՝ <<2>> թերթից:

Հարգանքով՝

Պետ, ոստիկանության գնդապետ՝

Ա. ՈՒՄՐՇԱՏՅԱՆ

կատարող՝ Ն. Քոչարյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 30.09.2021թ. կայացված թիվ 8180025788 որոշումն անվավեր ճանաչելու մասին

11.03.2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա. Ումրշատյանս, ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածով, վերանայելով 30.09.2021թ. կայացված թիվ 8180025788 որոշումը,

Պ Ա Ր Զ Ե Ց Ի

09.02.2022 թվականին ՀՀ ոստիկանության պարեկային ծառայության ծառայողական քննությունների բաժանմունքի պետ, ոստիկանության մայոր Հ. Ներսիսյանը զեկուցագիր է ներկայացրել, որ ՀՀ ոստիկանության պարեկային ծառայության Երևան քաղաքի գնդի 1-ին գումարտակի 3-րդ վաշտի պարեկ Գագիկ Հակոբյանը կազմել է վարչական իրավախախտման վերաբերյալ արձանագրություն՝ քաղաքացի Վահան Անդրանիկի Տոնյանի նկատմամբ՝ <<Մերսեդես>> մակնիշի 60 DV 009 հաշվառման համարանիշի տրանսպորտային միջոցը երկրորդ շարքում կայանելու համար, և նույն արձանագրության մեջ նշել է թիվ RQ598826 վարորդական իրավունքի վկայականը, որը պատկանում է քաղաքացի Կարո Վյաչեսլավի Արուստամյանին:

Փաստի առթիվ ՀՀ ոստիկանության պարեկային ծառայության ծառայողական քննությունների բաժանմունքում իրականացվել է ծառայողական քննություն, որի արդյունքում պարզվել է, որ քաղաքացի Վահան Անդրանիկի Տոնյանը նշված օրը ՀՀ ոստիկանության պարեկային ծառայության ծառայողի պահանջով շփոթված ներկայացրել է քրոջ ամուսնու՝ Կարո Վյաչեսլավի Արուստամյանի թիվ RQ598826 վարորդական իրավունքի վկայականը, իսկ պարեկ Գագիկ Հակոբյանը արձանագրել է՝ չնկատելով այդ հանգամանքը: 08.02.2022թ.-ին ծառայողական քննության եզրակացության համաձայն՝ ծառայողական պարտականությունները ոչ պատշաճ կատարելու համար ՀՀ ոստիկանության պարեկային ծառայության Երևան քաղաքի գնդի 1-ին գումարտակի 3-րդ վաշտի պարեկ Գագիկ Հակոբյանը ենթակա է կարգապահական պատասխանատվության:

Վերոգրյալը հաստատվել է ՀՀ ոստիկանության պարեկային ծառայության ծառայողական քննությունների բաժանմունքի պետ, ոստիկանության մայոր Հ. Ներսիսյանի զեկուցագրով, զեկուցագրին կից ներկայացված՝ 08.02.2022թ.-ի ծառայողական քննության եզրակացության, վարչական իրավախախտման վերաբերյալ արձանագրության և զուգակցված՝ թիվ 8180025788 որոշման պատճենների ուսումնասիրությամբ:

<<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով, իսկ 77-րդ հոդվածի 1-ին մասի <<ա>>

ստը սահմանում է, որ 63-րդ հոդվածով սահմանված հիմքերը վարչական ակտի փոփոխման
կամ բեկանման հիմքեր են:

<<Վարչարարության հիմունքների և վարչական վարույթի մասին>> ՀՀ օրենքի 67-րդ
հոդվածի համաձայն՝ վարչական մարմնի ընդունած վարչական ակտի վերաբերյալ բողոքի
բացակայության դեպքում այդպիսի ակտ ընդունած վարչական մարմնի վերադաս վարչական
մարմինը (պաշտոնատար անձը), վերահսկողության կարգով և իր նախաձեռնությամբ,
իրավունք ունի վերանայել ստորադաս վարչական մարմնի ընդունած վարչական ակտը:

Տվյալ պարագայում ՀՀ ոստիկանության պարեկային ծառայության Երևան քաղաքի գնդի
41-ին գումարտակի 3-րդ վաշտի պարեկ Գագիկ Հակոբյանը 2021 թվականի սեպտեմբերի 30-
ի թիվ 8180025788 որոշումն ընդունել է օրենքի խախտմամբ, և դրա համար ենթարկվել է
կարգապահական պատասխանատվության:

Թիվ 8180025788 վարչական ակտը վերոնշված հիմքերով ենթակա է անվավեր
ճանաչման և բեկանման:

Ելնելով վերոգրյալից և ղեկավարվելով <<Վարչարարության հիմունքների և վարչական
վարույթի մասին>> ՀՀ օրենքի 63-րդ հոդվածի 1-ին մասի <<ա>> կետով և 67-րդ հոդվածով՝

Ո Ր Ո Շ Ե Ց Ի

1. ՀՀ ոստիկանության պարեկային ծառայության վարչական իրավախախտման վերաբերյալ
գործով 30.09.2021թ. կայացված թիվ 8180025788 որոշումը ճանաչել անվավեր:
2. Որոշման պատճենը երեք աշխատանքային օրվա ընթացքում հանձնել Վահան Տոնյանին և
ՀՀ ոստիկանության պարեկային ծառայության Երևան քաղաքի գնդի:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել
ՀՀ վարչական դատարան՝ օրենքով սահմանված կարգով և ժամկետներում:

Պետ, ոստիկանության գնդապետ՝



Ա. ՈՒՄՐՇԱՏՅԱՆ